

Ek Din Wo Bhole Bhandari | By Rajendra Jain

Ek Din Wo Bhole Bhandari Ban Kar Ke Brij Naari
Gokul Mein Aa Gaye Hain.....
Parvati Bhi Mana Ke Haari Na Maane Tripurari
Gokul Mein Aa Gaye Hain.....

Parvati Se Bole Main Bhi Chalunga Sang Mein
Radha Sang Shyam Nache, Main Bhi Nachuna Tere Sang Mein
Raas Rachega Brij Mein Bhaari, Mujhe Dikhao Pyari
Gokul Mein Aa Gaye Hain.....

O More Bhole Swami Kaise Le Jaaun Tumhe Saath Mein
Mohan Ke Sang Wahan Koi Purush Na Jaye Sath Mein
Hansi Karengi Brij Ki Naari, Maano Baat Hamari
Gokul Mein Aa Gaye Hain.....

Aise Bana Do Mujhe Jaane Na Koi Is Raaz Ko
Main Hoon Saheli Teri Aisa Batana Brij Raj Ko
Laga Ke Bindi Pahan Ke Saari Chhaal Chale M atvaari
Gokul Mein Aa Gaye Hain.....

Hans Ke Sakhi Ne Kaha Balihari Jauan Is Roop Mein
Ek Din Tumhare Liye Aaye Murari Is Roop Mein
Mohini Roop Banke Murari Ab Ye Tumhari Baari
Gokul Mein Aa Gaye Hain.....

Dekha Mohan Ne Samajh Gaye To Sab Baat Re
Aisi Bajai Banshi Sudh Budh Bhoole Bholenath Re
Sar Se Khisak Gayi Jab Saari To Muskaye Girdhari
Gokul Mein Aa Gaye Hain.....

Deen Dayalu Tab Se Gopeshwar Hua Naam Re
O Bhole Bab aTera Vrindavan Mein Bana Dham Re
Tarachand Kahe O Tripurari Rakhiyo Laaj Hamari
Gokul Mein Aa Gaye Hain.....

<https://bhaktivandana.com/lyrics/%e0%a4%8f%e0%a4%95-%e0%a4%a6%e0%a4%bf%e0%a4%a8-%e0%a4%b5%e0%a5%8b-%e0%a4%ad%e0%a5%8b%e0%a4%b2%e0%a5%87-%e0%a4%ad%e0%a4%82%e0%a4%a1%e0%a4%be%e0%a4%b0%e0%a5%80-by-rajender-jain/>